


FORMAKUNTZA ESKAINNTZA



GAIAK

- FEMINISMOAK ETA GENERO EKITATEA
- TRANTSIZIO EKOSOZIALA, DESAZKUNDEA ETA BIZITZA JASANGARRIAK
- ERALDAKETARAKO HEZKUNTZA ETA LANKIDETZA



**mugarik
gabe**

Argitaratzailea:



www.mugarikgabe.org

 Mugarik Gabe

 @mugarikgabe

 mugarikgabeongd

ARABA

"Itziar" Elkarteen Etxea - Zalburu Plaza z/g
01003 Vitoria-Gasteiz
945 277 385 – araba@mugarikgabe.org

BIZKAIA

Vicente Garamendi auzunea 5, behe
48006 Bilbao
94 415 43 07 – bilbao@mugarikgabe.org

GIPUZKOA

Katalina Elizegi 46, behe, 4.atea
20009 Donostia
943 445 977– gipuzkoa@mugarikgabe.org

2026ko apirila

Maketazioa: Binari Comunicación



Aitortu-EzKomertziala-LanEratorririkGabe 4.0 Internazionalela (CC BY-NC-ND 4.0)

Dokumentu hau Creative Commons lizentziapean dago. Edukia libreki zabaltzea, kopiazea eta birbanatzea baimentzen da edozein bitarteko edo formatutan, beti ere, egiletasuna aitortzen bada. Ezin da erabili xede komertzialarekin, nahastu edo eraldatu egiten bada edo materiala oinarri hartuta sortu egiten bada, ezin da eraldatutako materialik hedatu, ezin da lizentziak baimentzen duena legalki burutzea mugatzen duen neurri teknologikorik edo legezko akaberarik erabili.

Lizentzia osatua: http://creativecommons.org/licenses/by-nc-nd/4.0/deed.es_

AURKIBIDEA

1. ESKAINTZA.....	4
2. EDUKIAK.....	5
2.1. FEMINISMOAK ETA GENERO EKITATEA.....	5
2.2. TRANTSIZIO EKOSOZIALA, DESAZKUNDEA ETA BIZITZA JASANGARRIAK.....	6
2.3. ERALDAKETARAKO HEZKUNTZA ETA LANKIDETZA.....	7

1 ESKAINNTZA

Mugarik Gabetik Formakuntza Proposamen hau prestatu dugu, bi helburu nagusirekin. Alde batetik, beharrezkoa eta premiazkoa den eraldaketa sozialari beste ekarpen bat egiteko desberdintasun sozialak eta bidegabekeriak nagusi diren eredu honetan. Bestalde, hausnarketarako eta eztabaida kolektiborako espazioak sortu nahi ditugu, izan ere, ezinbestekoak dira geure eta zeuen lana hobetzeko. Azken batean, gogoetak, salaketak eta bidezko alternatibak partekatzeko tresna da ere da formakuntza.

METODOLOGIA

Ikastaro eta tailer guztietan metodologia parte-hartzaileak planteatuko dira, beraz, talde ez oso handiak izatea gomendatzen da. Azalpen-tarteak txandakatuko dira aztertutako elementuak eztabaidatzeko edo praktikara eramateko beste espazio batzuekin: talde-dinamikak, talde-lana... Metodologiak aukeratzean berariaz zainduko da emakume eta gizonen arteko berdintasunezko parte-hartzea.

NORI ZUZENDUA

aldatzen da tailerren arabera, baina, batez ere, elkarteei, GGKEei eta gizarte-mugimenduei zuzenduta daude, baita unibertsitateko edo antzeko mailako ikasleei ere.

IRAKASLEAK

Mugarik Gabeko lantaldeko pertsonak izango dira, gai bakoitzarekin lotura zuzena, ibilbide luzea eta esperientzia handia dutenak.

HIZKUNTZA

Eskaintzen diren ikastaroetako batzuk, ez guztiak, gaztelaniaz eta euskaraz eskaintzen dira; galdetu aldez aurretik, premiaren arabera.

IRAUPENA ETA SALNEURRIAK

Saio bakoitzarentzat 2 eta 4 ordu tarteko iraupena proposatzen dugu, baina aukera eta behar desberdinetara moldatu gaitezke. Salneurriak galdetu ditzakezu, deskontuak ditugu 2 tailer edo gehiago direnean. Behar desberdinetara egokitzen gara eta gurekin harremanetan jartzera gonbidatzen zaitugu eskaera bereziren bat edo iraupen luzeagoa duen zure neurrira egindako tailer edo ikastaro bat behar baduzu.

Gainera, formakuntza hau **FUNDAEren bidez finantzatu daiteke**. Zure erakundeak edo enpresak laguntza behar badu kudeatzeko, galde iezaguzu. Informazio gehiago: <https://www.fundae.es/empresas/eu/home>

Jar zaitez gurekin harremanetan:
xabi@mugarikgabe.org - 943 44 59 77



2 EDUKIAK

2.1. FEMINISMOAK ETA GENERO EKITATEA

1. NAZIOARTEKO LANKIDETZA FEMINISTA BAT

Ikastaro honetan ibilbide bat proposatzen dugu emakumeen giza eskubideen aldeko borroketan barrena; lehenengo olatuetatik hasita, genero teoritik eta egungo proposamen eta eztabaidetara. Bilakaera hau nazioarteko lankidetzan aztertuko dugu, emakumeekin eta pobreziaren feminizazioarekin diskurtsoekin hasita, eskubideen sendotzea eta ahalduntze prozesuekin jarraitu eta azkenik egungo egoera eta erronka nagusietako batzuk aztertuko ditugu.

2. NOLA INPLIKATU AKTIBOKI INDARKERIA MATXISTEN AURKA

Kontzeptuen eta estrategien azken urteotako bilakara aztertuko dugu, hala nola indarkerien ikusezintasuna, aitortza eta egungo egoera. Era beren, estrategia berriak eta oraindik indarrean daudenak indartzeko beharra landuko dugu: prebentzioa, autodefentsa, ikerketa, memoria eta erreparazioa...betiere giza eskubideen eta feminismoaren ikuspegitik.

3. ZURE ELKARTEAK FEMINISTAGO IZAN NAHI DU ETA EZ DAKI NOLA?

Gure esperientzian oinarrituta, elkarteetan errepikatzen ditugun genero desberdintasunei dagokien beharrezko kontzientzia hartzea landuko dugu, baita gure praktikak eta prozedurak aldatzearen garrantzia ere; ez soilik praktika eta prozedura indibidualak, baita elkarteari dagozkionak ere. Hori guztia, elkarte eraldaketa feministaren ikuspegitik eta proposamen teorikoak eta tresna praktikoak erabiliz.

4. HEZKUNTZA FEMINISTA IZANGO DA EDO EZ DA IZANGO

Hezkuntza arloan berdintasunak gaur egun duen egoeraren azterketa kritikoa eskainiko dugu, azken urteotako aurrerapenak ere berrikusiz, eta aldaketarako eta aurrera egiteko neurri eta tresna zehatzak proposatzu hezkidetzaren bidetik.

2.2. TRANTSIZIO EKOSOZIALA, DESAZKUNDEA ETA BIZITZA JASANGARRIAK

1. AZTERTU, ALDARRIKATU ETA ARITU: NOLA IBILI BIZIMODU JASANGARRIETARANTZ FEMINISMO ETA EKOLOGISMOAREN BIDETIK

Erronka handiak ditugu aurrean: petrolioaren agortzea, krisi klimatikoa, prekaritatea, eskuin muturraren gorakada, indarkeria matxistak, giza eskubideen urraketa sistematikoak... Krisia zibilizazioarena eta sistemikoa da, eredu sozial eta ekonomikoarena. Baina garaiz da erokeria hori guztia gelditu eta bizitza erdigunean jartzeko; modu asko daude egoerari buelta emateko kontsumo eta hazkunde amaigabearen pentsamendu bakarraren aurrean. Tailer formatuko ikastaro honetan ikusiko dugu nola eragin dezakegun 4 eremutatik: energia, elikadura, zaintza eta ekonomia. "Aztertu, Aldarrikatu eta Aritu" metodologia jarraituko dute tailerrek, taldean lan eginez, eta ikus-entzunezkoen zein parte hartzeko dinamiken bidez.

2. ETENGABE HAZI AHAL GAITEZKE? DESAZKUNDEA, BIZITZA ERDIGUNEAN JARTZEKO ALTERNATIBA BAT

Hausnartu egingo dugu hazkunde mugagabearen oinarritutako sistema ekonomiko kapitalistari buruz eta desazkundearen joera alternatiboari buruz, ikuspegi feministatik. Desazkundera ekoizpena eta kontsumoa murriztearen aldeko proposamena da, merkatuak erdigunean jarri beharrean. Harreman sozialetan, hurbiltasunean, austeritatean eta gutxiagorekin hobeto bizitzeko oinarritutako ereduak proposatzen ditu, bizitzaren sostengua erdigunean jarritz.

3. BIZITZA JOKOAN: ANALISI, BORROKA ETA PROPOSAMENAK KLIMA ETA GIZA ESKUBIDEEN KRISIEN AURREAN

"Klima-aldaketaren" eta baikortasun teknologikoaren diskurtsoen aurrean, krisi klimatikoa edo ekosoziala eskubideen ikuspegitik aztertzen dugu. Agerian uzten dugu nortzuk diren egoera honen erantzule nagusiak; baita ere, jazarriak eta kriminalizatuak izan arren, Lurra eta Natura benetan defendatzen eta zaintzen ari direnak. Amaitzeko, gure planetan bizitzarekin bateragarria den eredu baten alde mobilizatzeko eta egunerokoan jarduteko gakoak, proposamenak, praktikak, aukerak eta alternatibak lantzen ditugu.

2.3. ERALDAKETARAKO HEZKUNTZA ETA LANKIDETZA

1. NAZIOARTEKO LANKIDETZA ERALDATZAILE BATEN BIDEAN

Hemengo eta Latinoamerikako hainbat kolektibo, erakunde eta gizarte-mugimendurekin izandako lan-esperientzia guztiari esker aberastu eta hainbat proposamen garatu ahal izan ditugu. Paternalista eta epe laburreko lankidetzaren baten aurrean, kritikoa, eraldatzailea eta prozesuetan oinarritutakoa defendatzen dugu, beti ere ikuspegi global eta feminista batetik eta mugimendu sozialekin batera.

2. ERALDAKETA FEMINISTAK SUSTATZEN ERALDAKETA SOZIALERAKO HEZKUNTZA PROZESUEN BITARTEZ

Mugarik Gaben, Hezkuntza epe ertain/luzerako prozesua dela uste dugu, subjektu politiko aktibo bihurtuko gaituena, gure ahalduntzetik eta autonomia pertsonaletik abiatuta. Hori guztia jendarte kapitalista eta patriarkal batetik bestelako eredu bidezkoago, anitzago eta jasangarriago batera bidea egiteko. Nola irudikatzen eta jartzen ditugu martxan prozesu horiek? Tailer honetan urrats posible batzuk jorratuko ditugu, ikuspegi feminista duen hezkuntza-prozesu bat diseinatu eta

ezartzeko. Horretarako, Mugarik Gabek beste elkarte eta mugimendu batzuekin batera aurrera eramandako eraldaketa sozialerako hezkuntzako praktika onak eta esperientziak baliatuko ditugu.

3. LATINOAMERIKAKO MUGIMENDU INDIGENA ETA NORBANAKO GIZA ESKUBIDEEI ZEIN KOLEKTIBOEI HURBILPEN BAT

Latinoamerikako herri indigenek eredu neoliberalaren aurrean alternatiba errealeak planteatzen dituzte gaur egun, esaterako, estatu-nazioari eta estraktibismoari kritika, norbanako giza eskubideak, kolektiboak eta Naturarenak aldarrikatuz. Proposamenez gainezka dagoen mugimendu bizia dira, eta, horregatik, kontinente osoko prozesu aberasgarrienetako baten protagonista dira. Horrela, honako kontzeptuen inguruan hausnartuko dugu: herri indigeneen lorpenak eta erronkak indarrean dagoen ereduaren aurrean; Bizitze-Ona; deskolonizazioa eta despatriarkalizazio prozesuak... Eta, baita ere, nola eta zergatik lan egin herri indigenekiko elkartasunetik eta giza eskubideen (norbanakoak eta kolektiboak) ikuspegitik.



